

Communicaziun a las medias

Gisula Tscharner – la terra pli datiers ch’il tschiel

Cuira, ils 30-03-2017 – **Radiotelevision Svizra Rumantscha (RTR) envida a la premiera dal film da Christina Caprez. Gisula Tscharner è ina pioniera da la teologia libra en Svizra. Il film accumpogna la spirituala durant sia lavur. In purtret subtil dad ina dunna cun in agen chau en ina societad en transfurmaziun. La premiera ha lieu mardi, ils 04 d’avrigl 2017 a las 20:00 e il kino Rätia a Tusaun.**

Gisula Tscharner è ina da las emprimas teologas libras. Oriundamain preditionta, è ella sortida da la baselgia avant prest 25 onns. Dapi lura porscha ella rituals en la natira. Il film l’accumpogna durant in onn: dal rimnar ervas la stad al batten en la naiv enfin tar il passentar ina notg en il gaud cun la plievgia primavauna.

En ils onns 1990 ha Gisula Tscharner cumenzà cun far rituals ordaifer la baselgia. Da lezzas uras vegnivan plitost famiglias alternativas tar ella. Oz ha ella clients da tuttas classas socialas e da tuttas regiuns da la Svizra.

La plipart dals carstgauns en Svizra crajan vid „insatge superiur“, ma van en baselgia sin il pli da Nadal u en situaziuns da crisa. «*Quellas persunas crajan vid insatge ed han il basegn da celebrar muments da transiziun*», di Gisula Tscharner. «*Ellas tschertgan la dimensiun mistica da la vita.*»

Gisula Tscharner cumbinescha en sia lavur la spiritualitad cun sia cuschina da las dunnas selvadias, la „WildeWeiberKüche“. Ella enconuscha ervas selvadias sco paucs, ha creà recepts, scrit cudeschs e dà curs da cuschinar. Il divin na vegnia per ella betg da sisum, ma da la terra: «La savida da la vita è bler pli veglia che l’idea dal divin dal tschiel.»

Infurmaziun supplementara:

Il film da l’emissiun “Cuntrasts” vegn mussads sco suonda:

dumengia, ils 09-04-2017, 17:25 sin SRF 1

ubain sin www.rtr.ch/play

Repetiziuns:

mesemna, ils 12-04-2017, 08:30, 09:30 e las 12:45 sin SRF info

gievrgia, ils 13-04-2017, 11:00 sin SRF info

venderdi, 14-04-2017, 13:15 sin RSI LA2

sonda, ils 15-04-2017, 12:10 sin RTS 2 e las 17:10 sin SRF 1

dumengia, ils 16-04-2017, 07:30 sin RSI LA1

glindesdi, ils 17-04-2017, 13:20 sin RTS 2

mardi, ils 18-04-2017, 16:05 sin RTS 2

Dapli infurmaziuns

Radiotelevision Svizra Rumantscha, Via da Masans 2, 7000 Cuira

Tamara Deflorin, manadra communicaziun e marketing, tel. 081 255 75 09, tamara.deflorin@rtr.ch